



# KANTIK

## ITRON VARIA AR SCLERDET

1. Salud deoc'h, Mari, Rouanez  
Eus an Env hag an douar !  
Salud deoc'h ! Mam a drugarez,  
A greis kalon ni lavar :

*Diskan.*

Itron Varia ar Sclerdét,  
Clevit mouez ho pugale :  
Hed hor buez, Mam binniget,  
Hon diouallit noz ha de.

2. Choazet a bep eternite  
Da veza mam da Jesus ;  
Roet oc'h da vam deomp ive,  
C'hui hon rento oll eürus.
3. Lec'hiou santel a zo merket  
Da henori ar Verc'hez ;  
Eno e skuill varnomp bepret  
Tenzoriou he madelez.

4. Chapel ar Sclerdet so brudet  
Dre ar burzudou dispar  
A ra ar Verc'hez binniget  
E kenver an hep he c'har.
5. Evit dont beteg ar Sclerdet  
Pelerinet gant guir feiz  
Da bedi hor Mam binniget  
A dreuz pevar c'horn Breiz.
6. A-hed an henchou ho gueler  
O c'herruout a bell bras  
En eur bedi daoust d'ho skuisder,  
Daoubleget var ho fenn bas.
7. Darn a deu d'he zrugarekat  
Euz ar grasou ho deus bet ;  
Darn all euz an droug daoulagad  
A c'houlén beza pareet.
8. Evidomp-ni oll Bretonnet  
A lavar a vouez huel :  
Kent evit mankout d'ho karet  
Ni ve guell ganeomp mervel.
9. Dirag hoc'h imach binniget  
Er Sclerdet ni a bedo :  
Pa vimp tentet pe glac'haret,  
Gant fiars ni a gano :
10. Dan oll e Combrit, Mam Doue,  
Ho c'hoant hirio goulennet :  
Ma savetaimp hon ene  
O kenderc'hel d'ho karet.

**Imprimatur :**

Die 7 Septembris 1909. Em. FLEITER, vic. gen.

---

Kemper, moullerez ru an Dudenhtil, 7.